


# लुँबूँ-वहबूँ

---



दुर्गा

with much pleasure  
in the belief  
that you  
will be  
able to

M

# लुब्धु — वहलुब्धु

मतिनाया म्य

प्रदीप्त प्रकाशन

अधिकार व्यावकं प्रकाशकया

---

प्रकाशक  
प्रदित पुस्तकालय  
असन तक्षबहाल

मू १।  
निकःगु १०००  
ने.सं. १०६०

मुद्रक  
रत्न प्रेस  
त्यौड टोल

*[Handwritten signature]*

लुधना पुगु न्हिलां छायापाः लुँबुँ-बहबुँ  
निकःगु खुमी नं ल्यासे जुयोः धिकिहि दंव-  
सेलि धाय् मालि-छिकपिजा अभनं ल्याय्म्ह हे  
तिनि । थथेहे साहित्यया मेमेगु अंग पाखे नं  
नेपाल भाषाया ब्वमिपिसं थःगु ल्याय्म्ह पहः  
कयनादी धैगु विश्वासया फसय् सासः लहाल्हां  
थ्व निगूगु संस्करणया भूमिका क्वचाय्के ।

*[Handwritten signature]*

- प्रकाशक

*[Handwritten signature]*

*[Handwritten signature]*

*[Handwritten signature]*

*[Handwritten signature]*

*[Handwritten signature]*



ॐ





वसन्त

छपु

सिरि सिरि पसं जितः कुचु कुचु नकल  
जउभन मुसु मुसु फाल  
वाउँ धौय्या लासय् दानाः मन जिगु वाउँ ल  
मुखू व्यनाः होगु स्वानं जितः न्हीकल  
नागवेलि गुँया लँपुं जितः न्याकुं काय्कल  
भवाली स्यन छम छम चाल

लहरान हितु हिनाः स्यन माया यायेगु  
 नस्वालन स्यन जितः मन व्वयेगु  
 मंगलया सलं जिगु रसं जाःगु लुगल

म्य जुयाः म्हतुं भयेबिल

वसन्तया अय्लाखन धेधे च्चीकाः जउभन  
 मिखायागु भयालय् वयाः पिया च्वन  
 कुलिचिगु सँया दुने सुलाः सुलाः थव मन

फिरि फिरि सनाः म्हिता च्वन

भम्बः वल स्वान न्हिल जितः गिजे याःथें जुल  
 पिया पिया च्वना अय्नुं पिया मभ्हाल  
 कयव लिसे वसन्त नं लसपस सन सो

भासँ पिया, मन हयाय् चाल

होलि

निफु

भिजं—होलिया मेला, मयूजु, मयू ला  
अबीर भचासां तये ग्हां ला  
अहोसा छाया ल्याः अथित मद्रालाः  
सुलाः सुलाः विम्युवने माः ला  
आसे रे आसे ह्याउँस्वान छुये थें  
पिचु छयँलय् अबीर्या रंग बांलाः

मिसा—मयो जितः ला सहयाय् मखु न्हां  
मयो धासैलि छिगु कर ला ?

स्वां नं छुये मयू बांलाके नं मयू  
जिपि अथे हे बांलाः नि  
थःत थमं बरु बांलाकि भाजु  
लुंयात खोल वाः सिल ला छि

भिजं--होलिया मेला, मयूजु, मस्यूला  
अबीर तलं तंचाय् दै ला

मयूजुया म्हुतु सो चुपिया सिकं जो  
तर जिगु ल्हातो अबोरया पो  
छं म्हुतु न्याय्कि रे जि ल्हाः च्वेके  
सु त्याइ, सु बुइ छ अबले सो

मिसा—मयो जितः ला सह याये मखु न्हां  
मयो धासेलि छिगु कर ला

मयो, मयो जिमि यहै मयो का  
मयोया वासः छुं दै ला  
याकनं चिलाहुँ भलादमि भाजु  
मखुसा धुलं हे व्वाके जि ला

मिजं—छंत मयेवं जिमित मयै ला  
मान-मिजासं तय्के व्यु छं  
मखुसा म्हछन्हं लुना बी मयजु  
यत्थाच् नालिस तःहुँ रे छं

घातु

स्वफु

थर्थिजाःगु रसबस तोलताव  
राम हँ ! जि गन बने  
निरमल सरगत, भलमल, परवत  
स्वव थास द्विगु रस मेव रस मदु दैव  
बलचासं न्यसु लायाः आनन्दन रसतायाः  
ज्यापुदाजु याकतन घातुया म्य हाल्ला चवन  
लुँ था स्वान, वोया स्वान व्हया चवंगु खनेभनं  
मस्यू व्वाय मन हाय ! खुलुलुलु भिन दैव  
जोलि जोल पासा मुने, दुथे फुथे नये त्वने  
दैवयागु रसबसं पाहाँचःव्हे सुखं हने

सिनाज्या

प्यफु

असारया सिनाज्या, भुलु भुलु ससिवा  
सिलि सिलि फसं दायाः मन चंगा  
ज्यापुया कायमचा, न्हिया न्हियं बुँया ज्या  
पासा वया ई व मुगःचा

वाफय् निभालिसे त्वानाः कुलि बुँया चा तछ्यानाः  
बुँ माथं वंकाः अले पुवाचा पिनाः  
त्यानुल धाय्वं चःति हुयाः भासुलनी  
इले वेले सोंमा त्वनाः

हिमिद्रुह मैचा वल न्याकुं कयाः सौमा ज्ञनाः  
ल्यायूहह ज्यापुं वैत कयलें स्वत न्हां  
ज्यापुन म्य हाल, मैचान प्याखं हुल  
गुलि रसं जाःगु सिनाज्या

वाउँसे च्वंगु पुषाचा, बुँया योगु तिसाचा  
ध्व हे तिसां तियेकीपि म्ही हे ज्यापुचा  
ज्यापुया कायमचाः लोकया लिधंसा  
तर तलसिया न्हवःसा



मालश्री

न्यापु

हाइ रे ज्यापुनी तता, गुलि हिसि दु रे छ ला  
जव र्हार्ति कलः ज्वनाः देके वने त्यना ला

सतुवतु छथुचा, त्वेक ह्यांगु सचिका  
पिचुसे च्वंगु छयँले नःलास्वान निपुचा  
नःला स्वान नःलि थें, छ नं साप नःलिचा  
छन्त स्वस्वं मोह जुल, मोहनि जकं याना ला

स्वाः छंगु यनालू, नेपाली बां लू  
सामाज्याया वामा थें छयो भचा कवक्वछू  
स्वाः भचा हाकु स्वाः, कपाले आहा  
पुन्हीसिया तिमिला थें सिन्हः चाकमक लाः

लंया बुत्ता स्वांफो लू ध्वे ला ध्वे ला धैथें जू  
 फिरि फिरि संगु गाचां संतू थें च्वनिगु  
 छम्हूचागु म्हचा छंगु हिसियागु पोचा  
 छं पलाः छीवं तता, लँ हे न्यासि न्यासि चाः

मिखा छंगु मूसः अय्लाः घुतुक्क हे त्वने ला  
 छन्त जक खयाच्चंसा मत्वंसा नं काइ ला  
 रुवाःया दध्वीच्चंगु न्हायूनं गुलिजक छायपा च्वं  
 जोवनया अंति हाःगु अय्लाखया धाःथें च्वं

सुथसिया बेला, मोहनिया मेला  
 छ नाप जि नं तता, देके वये ला  
 जि नं छुये ति रे तता, नःला स्वान निपुचा  
 जितः नं ला भचा जूसां धर्म खुनु लाइ ला

घिन्तामें

रुक्कु

रुवाल	जि	नःलि
नःलि	स्वान	चुलि
नाम	जि	नेपाः
बांलाः	हिमि	बिलि बिलि

मेची-काली जवं खवं सतुबतु थुये  
लायलामा दध्वी लाक सिञ्च धकाः तये  
पुचः मुनाः नगु गुलि  
जालि धकाः तये इलि लिलि

मलमल हिमालय मतू धकाः पुये  
 सुरज व तिभिला मिखा धकाः छुये  
 प्यक्वे बन मिखाय जि नं  
 अजः धकाः तये मिलि मिलि

च्वापुगुँया च्वापु कयाः कबलं धकाः बुये  
 सुथसिया ह्याडँनिभाः लालि धकाः तये  
 नुगलस बुद्धयात  
 मत धकाः च्याके पिलि पिलि

दखिनया बालि जिगु कल्लि दुगु पालि  
 प्याखंडुले लछिमिया लुँया लुखा चाली  
 बाः वइ फस जुयाः  
 सिरि सुख थन सिलि सिलि

धिन्तांमं

न्हयपु

ल्याय्म्हम्ह दाजु, तंचाया ला छु  
द्वितः जि ला छुं हे धैगु मरु

स्यंकेमते न्हां नकतिनि होगु  
पीरतिया स्वां नुगले च्वंगु  
कोटि बिनात द्वितः जि नं याये वरु

सुलु पुयाः छि सःतल भाजु  
जःला खःलां छु छु जक धाःगु  
द्वितः अयनं छुं हे धैगु मरु

उखुनु बाहाले वजि कृया बेले  
लोमन ला छु लुसिया ताले  
छि व जि व हरसं म्य दालागु

तिमिलाया जले, सूं मरु ख्यले  
भी निम्ह दुसुलुन पुया बेले  
छि धयादीगु खँ जिगु थव नुगले दु

छितः द्यो थें नुगले स्वनाः  
अर्ध बियाः जि पूजा याना  
पुरे यावँ छिन मनोरथ जिगु

विरहिणी

रूपफु

रुयालं रुयालं येकां आः ला

नी हे जुयावन । यो मैं

मचाबले भवय धका मिहतागु व कासा रे

चागःचा व वांगु घाय्चा हेकतंया घासा रे

फुकं फुकं धास्थे जुयाः

न्याने लुयाच्चन । यो मैं

चुक, ननि वहे तिनि, बैस भीगु हिल रे

मिखा नं भव वहे तिनि, स्वयगु पहः हिल रे

ढंग वहे तिनि मीगु

रंग हिलोवन । यो मैं

छंगु जिगु बैस थुगु बरवाया खुसि रे  
 थुगु इले बाः मबोसा गुगु इले वइ रे  
 थवहे खुसिबालं चवीकाः  
 म्फीपि थन थयन । यो मै

यो मै, छंगु हिमियात तिमिलां नं मफु रे  
 छन्त थव थें च्वं का धायत् छंगु जोहे मडु रे  
 योगुलि हे जिगु मिखाय्  
 बांलाना छ च्वन । यो मै

सत्य यो मै छ ला जितः गुलि यल गुलि रे  
 थुलि यल धका म्हुतुं धाये जि मसल रे  
 येके धका येका मखु  
 अथें ययावन । यो मै



चिन्तामै

गुफु

न्हाय्कं जक स्वयाः जिन  
समाः गुलि याये धुन  
न्हाय्कव समाः याःसां ज्यान  
छति हे जि लुमदन  
भासँ ज्यान, छि हे जिगु  
न्हाय्ने दना दिसँ

जिम्थाय् कयवे वह्या च्वन  
बानलाःगु चम्पा स्वान  
छुये धका थवया जिन  
कुतु' जक वल ज्यान  
भासँ ज्यान, छि हे वयाः  
छुका विया दिसँ

नुगले नं छि हे ज्ञान  
 थव मिखाय् नं छि हे जक  
 छि हे जक लुयाः ज्ञान  
 जि लः गन गन तन  
 भाँस ज्ञान, छि हे छकः  
 लवीका बिया दिसँ

छितः स्वयाः समाः याये  
 छितः स्वयाः न्याकुं काये जि  
 आजु धका छितः थियाः  
 इति इति न्हिले जि  
 भाँस ज्ञान, न्होने वयाः  
 दना बिया दिसँ

खयालि

मिफु

मिजं- थों वैला, कन्हे वैला

तास्ता कथना फुना: चिहुला

मफु मयजू पियाचवने आ:ला

आशा जक वैला वैला

माया मदु ला

ल: बिया: व्हेकागु स्वां

जि श्वे मदै ला

मिसा- मां-अबुया योम्ह म्हाय्

दतं फतं जि हे छम्ह

वा छता धया दीमते

नोपलाय् मा:सा मासँ दाइचा

भयाले च्वंचवने

आय् बुयां छुयाय् दाइचा

जि जक मन च्वंला

मिजं- सोया घाः कवखं मस्यू  
 जिगु जक छं गथे सीगु  
 न्हिछि थन भयाः प्यूवय्त  
 आलुब्बे पिवाः च्वंवि मरु  
 छं छु खँ ल्होना

मिसा- थःगु घाः थमं जरु स्यू  
 जिगु या छेँ खँ छि छु स्यू  
 बरु कन्हे पुन्ही मखु ला  
 गःचाः हिले थें वय् का दाइचा  
 ज्यू ला मज्यू ला

मिजं- लुँहिति वहःहिति  
 ल्वहँहिति नं हिति हे मखुला  
 नापलानाः वायूगु स्वयू ला  
 तसबिरजकसां ज्यूधया मयूजु  
 उलि नं मथू ला

मिसा- पशुपति गुजेश्वरी  
 छेँ च्वनाः दरशन मदू ला  
 मन दुनेसं तसबिर दै नं  
 भ्वंया तसबिर माःला दाइचा  
 वैँला मजू ला

मिजं- स्वां व्हल मुखू ब्यनाः  
 भवाः याइम्ह पापी मखुला  
 वेँ याइम्ह छन्त नं अथे हे  
 बोक्सी धाःसां द्वंमरु मयूजु  
 खः ला कि मखु धा

मिसा- यल, खवप, नेपाः दे  
 उलि मछि मिजं खना  
 छि जोम्ह खँगुलु अय्नं  
 जि ला मखना दाइचा  
 सत्य नं मखना

मिजं- म्हगसे म्हंगु खँ छन्त कंसा  
 छु जक धाइ थें मभ्यू  
 गुजेश्वरीयो न्होने मी निम्ह  
 छयोँ त्वाकाः योः चाःहिलागु  
 भिं ला मभिं ला

मिसा थौं कन्हे बरखा मखुला  
 म्हगः तिनि पुवाचा पिल छि  
 तर अय्नें वा लय्गु ला  
 चिकुलां तिनि मखुला दाइचा  
 छि जक मभ्यू ला

निर्गुरा

भिच्छपु

माया रे रतन जि नं छंके माया

छंला ननी वजि लहुल

छप्वाकल जितः बिल

मायां व्यूगु स्वकं वजि नं

गुलि जक माकु रे रतन

न्हाय्पंयागु कपाय् रतन

मिखाया पत्ति रे

सासलया पासा रतन

नुगलया भाषा रे

न्हाकव तापाय् थव्यु रतन

जिगु लागि सती रे

मिखा जक तीवं छन्त

न्होने हयाः थने रे



विरहिरागी ओम्घ

भिन्निफु

वा म्हिते पासा, निम्ह कुजि--कासा

नुगलं नुगले लायाः मतिनाया बासा

थौयागु बेला

न्हाइपुगु मेला

त्वया चबन प्यखेरं पुन्हीसिया तिमिला

थव हे खिचु जले चवनाः

पाचिने छ व जि व पासा

छ ला जिगु किपालु

न्हाय्कने त्वीगु

छ ला जिगु तसबिर नुगले चवंगु

तेल धका व्वाँ वयाः

थियेतिनि छन्त जिन पासा

छन्त थिया चवनाबले  
 थःत थमं थू थें  
 छन्त स्वया चवनाबले तंगु मिखा लू थें  
 निम्ह नापं चवनाबले  
 ह्याउँनिभाः लू थें जुल पासा

खिमिलाया धकिं खुनाः  
 लुयेगु जि सपना  
 जि ला वहे सपनाया स्वान होगु विपना  
 थनिनसिया कुलि-कासा  
 लो ला मनिमखु हला, पासा

लोकम्य

भिरवपु

आकाभाकाय् नाप तात

वने धयां व्है ला

हं चा बइनी वयू ला धाःसां जिमि दाजुं धाइला

वये गथे मवे धाःसा

मन जि नं तये फै ला

मूलुखां भाये मते

कयव - लुखां भासँ

जिमि दाजु वइ बले सिमां किका दिसँ

देव मरु देगःचासं

देव जुयाः छि दिसँ

सुल पुयाः सःते धाःसा उजुं सुजुं ताइ ला

नां कयाः सःते धाःसां

जःला खःलां धाइ ला

सुल पुयाः सःते मते सिमा संका दिसँ

जःला खःलां धा हे धाःसा

धया बी का जि नं

याकः चवनाः बरखा फुन, चिकुला नं फुइ ला

खोल मरु सिलः न्ययां

चिकु लंके फइ ला

सत्य सत्य जि ला दाइचा, वेगु जुल ब्रिके

शनिवार दिन छता

साइत याये मते

जोम्य

मिप्यपु

स्वये घका स्वैगु मखु, मिखा त्वात छुयाय्  
मयजु तंचाय्मते न्हां

स्व रे गुलि मछाः मजू, सुरु सुरु भासँ  
भाजु थःगु लँ लिनाः

लः त्वने प्यास चायाः उखे थुखे माला जुया  
सत्य सत्य छंत मखु घले जक स्वैगु  
मयजु तंचाय्मते न्हां

म्हस्यूमखु तास्यूमखु, गनं छकः खना मखु  
आकाकाकाय् लँ पं वेत मछाः मजू ला  
भाजु लज्या मचाःला

अष्टमीया व्रत चवनाः जनमाः देके वोगुबेले

जितः कवलें मिखां स्वैगु लोमन ला

मय्जु न्ह्यलं र्हात ला

खे<sup>०</sup> बुत्ता तय्दैमखु छि सत्य सह याये मखु जि

बि बि तोति मखुसा थवहे घलं चिनाथके

भाजु वनेसा हु<sup>०</sup> न्हां

अरायसकं तंचाय माःला छन्त सुनां पंगु दु र्हाः

लः भचा त्वंकेत नं नुगः स्याः सा म्वाल

मय्जु कर ला मयाना

स्वय् हे स्वरे लु र्खाः वोम्ह छन्त ला छन्त आसे

जिम्थाय् भयाः क्वं वइबले कपरां लुनाहय्

भाजु मनू म्हस्यू ला

विरहिणी

मिन्त्याफु

समाः यानाः स्वैत क्यने छि हे मरु न्होने यज्यू  
क्यलेंन्हिलाः स्वैत स्वये बांलाः धाइम्ह मरु यज्यू  
क्वथा-प्वाले याकः चनाः तसबिर स्वया च्वना  
तसबिर स्वस्वं जि हे तसबिर जुल यज्यू

जि हे लिसें होगु स्वान गुलि गुलि भवाल जुल  
भवाल जूगु स्वान स्वस्वं मने धन्दा जुल यज्यू  
चिठिं मथ्यं, म्हछिं मथ्यं दछि दछि दत यज्यू  
सत्य छि ला हाकुतिना चागःचा थें जुल यज्यू

बरखाया ताहाः न्हिने क्वथा-भयाले भुगलुं च्वने  
पंजलया मंगःचा थें सुकु सुकु खत्रये यज्यू  
संध्याइले कःसी वयाः याने थ्यंक मिखा व्वया  
ख्यूँया वोगु सर्गः स्वस्वं मन नापं ख्यूँल यज्यू

धिन्तांमै

## मिखुफु

जोवनया शुद्ध न्हिने मतिनाया कुञ्ज वने  
कुचु कुचु नकाः मने कुचु कासा म्हिते थें  
खने मद् तेजु यानाः म्हितूमह सु थें

न्याकूं छकः काये ला न्यासि न्यासि चाये ला हां  
घरि घरि मन हिल, चवनाथे जि मछुल  
मश्यु जितः छु जूगु धव जि हे मसिल

होगु स्वान छफो धवयाः चुप्पा नयाः छाती तयाः  
याकःचा जि यत्थे सनाः प्याखं छकः हुले धयां  
सुमाँय्-व्हतं निभाः जुजुं चिवा काल न्हां

तेलकासा म्हिते ला, सुलाकासा म्हिते ला जि  
पासा मद् कासा म्हितां स्वैत थियाः न्हिले जि  
भन जक जोवनया पंजः जुल जि



जोम्य

## मिन्हयफु

मिजं- आःला सत्य आय्हे ब्रुल

गवाय्त जि पीगु

मपी धाःसां मनं मफु गुलि बाम्हे काःगु

मिसा- द्वितः धका जिला मन

फ्याना तय्धुन

तर छेया मायां पलाः लिलिसाला चवन

मिजं- उखे माया, थुखे माया

मन धाःसा छगू

निगः नाचाय् पलाः तयां खुसि गथे छीगु

मिसा- खुसि ला जि द्विये तिनि

तर न्यना दिसँ

अथे-अथे वये बरु ल्हाक्य हया दिसँ

मिजं- ल्हाक्य ह्यां छुयायू

मयूजु, भार दनि तःगू

जातः मतू येतें धाःसा धारे छु यायूगु

मिसा- जन्म काःछि व्हने फैला

जातः मतवीक नं

खिचा ल्वाथें ल्वाये माःसा छुयायू हिया हियं

मिजं- जातः यागु भरे जिं ला

माया याना मखु

म्वात अयूसा थनि जितः लोलमंका व्हैव्यु

मिसा- अथे धैगु मखु ह्यान

लिफः स्वया दिसँ

जिगु मन स्वरे गुलि पिपिच्याना चवन

मिजं- माया धैगु सीकि मय्जु  
 न्ह्यवःसा ला मखु  
 मन नाप मन स्वायूगु खने मदु स्वापू  
 मिसा- मन ला म्की स्वाये धुन  
 तन बाया चवन  
 तन स्वाये धाःसा मन भति ग्याना चवन  
 मिजं- ग्याये माःगु छुदु मय्जु  
 भम्बः ला जि मखु  
 थ्व जुगःया मोया नं जा निन्ह्यागु मखु

म्हणु लोकलय

मिच्यपु

मां च्वाकिंचा पहलं ज्वीमते मयूजु  
न्हासे लुफि हाइ

मिसा धैम्ह थय् अप्पो जूसा

कतकं छुस्याको धाइ

म्ह्याय्- हाले मते योमां, हाले मते योबा

छिकपि थें ला जि

छे कुलु ब्यांजक ज्वीत थव'मखुत

ख्ये' फवसा काय्गु ई

मां- धत्तेगी च्वाकिं, गुलिजक नकिं

मछाः मजू ला छिः

मांबौजिसे थय् जवाः सवाः याय्

मनं जिपि ला छिः

म्हाय् खः खः योमां, छिमित छु हे माः

कनि ज्वी दय्वं गाः

सदां मिजंते पालिधू ज्वीदुसा

छिमित छु मेगु माः

बौ- मयल मयल जिगु न्हायपं होल

आपाः हाव्यमते छ

सँ सो मयापसां म्वय हे लसिं

न्होने हे वय्मते छ

म्हाय् चो माःनि पो बुराचिया खँ सो

गुलिजक ह्याउँमचा धाय्

झिगु खं जि ला छु छिगु देआम्ह

तंचाइ भुयू म्वाय्

बौ- सो सो न्यों ला त्योगु जक धाःला  
 गुलिजक छ्वाःम्हुतु ज्वी  
 तं प्याहाँ वो स्वय् सपः ज्वनाःहे  
 भवा याय् मन दत जि  
 म्हाय् तंचाय मते रे जिगु खँ ला न्यँ रे  
 ई हिल्य धुंकल छि  
 थौया युगे आमु चानक बुद्धि  
 रुयेँ थ्वै मखुत छि  
 मां- राम राम, हरि हरि, छु खँ न्यने माःगु  
 स्वे छ लसियात जि  
 बौ- छाय् जक बाकि तय् आःला छन्त  
 सपः ज्वनाः हे ल्वी

घातु .

## भिङ्गुफु

न्ह्यखा हात अयनं न्ह्यो जि मवो प्राण

धर धर खववि जक वै मिखां नं

मिखा जक तिसीवं हे लुमनिगु कन्हे पाहां चऽरे

गथे हने नखः धका दुगल जि दिङ्गु रे

प्राण, जि न्ह्यो मवोगु उकि हे

माया, छ छेँया लळिमि जुयाः नं सो

खवेमते रे सहलन याव

थौं निन्हु दुःख धका खया खाल ज्यायेमते माया

लख भचा त्वनाः जूसां निह्ला खालं नखः हने ।क

धीरज या छेँया घाल थुयेका

म्हिंगः बासि मरि ननं लसतामे मचां धाःगु  
 कऱ्हे पाहां चऱ्हे योमा ! धिचि पापा नये दैगु  
 लुममं हरे ! मन डाह ज्वीगु

सुनां बिइ त्यासा भीत, बऱ्हः तये धाःसां चाया घः  
 माया, का रे छं हे धाव, गथे हने थुगु नावः  
 महनां छु ज्वी पाहां चऱ्हे थव

भी जा म्वाल द्यांलाये का छुयाय्गुसे पाहां सूं वोसा  
 कित कुने छेलीं निसें खगः बिया चवने माल का  
 धया दिसँ प्राण, ज्यू ला मज्यू ला



रुचालि

नीपु

प्याखं हुले म्हाः भाइसा, जःलाखःलां धाइ  
जितः जिमि मामं स्याइ

जिमि बाज्या कुबेरमान  
सल किसि लही फुम्ह  
अपाय्धंम्ह साहुया छयू जि  
घाले | ध्वैथें सकरयां योम्ह  
प्याखं हूगु त्यूसा थर्थें लाकू हिकू ताइ  
जितः जिमि बाज्यां च्वाइ

जिमि अबु घरानाम्ह  
 दुने धवाखाय जागीर दुम्ह  
 जिमि मां नं चान्चुन मखु  
 मय लम्बर या लुँ थें च्वंम्ह  
 जि ला न्हाहे म्हा का भाइसा न्हापां मधाः धाइ  
 खं ला न्हापां मधा ध इ

चानं न्हिनं हथ्या कयनाः  
 आखः निगः बरलं व्वना  
 आ हाकनं प्याख हूसा  
 पायावेथें जिगिजिगि खाना  
 जिमि अबू सपः ज्वनाः धिनि मिनि याइ  
 जितः भेभेलुक दाइ

ब्राह्मसासे-जोम्य

## नीह्मपु

छि व जि व छक; यज्यू थिथि ख्वाल स्वये रे  
पलखछि लिपा छितः गन कयाः स्वये रे  
थुगु ख्वाल छुया ख्वाल मिखा तीवं तनि रे  
लुमकेवं व्हीगु उगु ख्वाल जकं ख्वाल रे

गुलि चिये मन यज्यू चिवलिसे व्यन रे  
सुथसिया सिचु जलं पुत जितः भन रे  
वान्हि जुइ म्हाइपुसे गथे बिके दिन रे  
संख्या नं जा वइतिनि लूमके हे मयो रे

संध्या ख्वाइ, वसन्त नं भवाल जुयाः फुइ रे  
छ व जि व दतलैत मेगु हानं लुइ रे  
बाया चवना घरि निन्दु म्हाइपुसे च्वनि रे  
कन्हे हानं सुथ जुइ, ह्याउँनिभाः लुइ रे

ह्याउँनिभाः ल्धीगु यड्यू, कन्हे सुथे तिनि रे  
 उगु सुथ जिगु मिखां खनि ला मखनि रे  
 छिगु जिगु वसन्त ला थौंया थुगु घरि रे  
 मवोनिगु दिन पियाः गथे मन तये रे

हारे चाये मते यमैं, निन्हुया विजोग रे  
 तापा लिसे सतिनाः जि छंगु मिखाय लुये रे  
 बैसं जितः ल्यायम्ह यात देशयागु लागी रे  
 बिदा त्रिउ जितः यमैं न्हिलाख्वाल ज्यानाः रे

मिखां हिति हाल यड्यू, नुगलया जल रे  
 थ्व हे जलं छिगु पालि जक जूसां सिके रे  
 स्वान मदु सिमायागु हल जूसां छाये रे  
 थ्व हे बँ धुल छितः सिन्हः धका तिके रे

थुगु स्वान स्वान मखु स्वानया नं ज्यान रे  
 बँया धुल छंगु जिगु ज्यानया नं मूल रे  
 छंगु माया दत जितः ख्यूँगु थास मत रे  
 कंया पं नं जितः आला मखमलया बासा रे

सुथ न्हापां सर्गः स्वया व्वया वनि मंगः रे  
 हनि ज्जीवं लिहाँ वइ थगु स्वँल स्वयाः रे  
 फुक फुक लिहाँ वइ, छि ला भाइ मखु रे  
 लुमं लुमं आः हे मन खुलुलुलु मिन रे

सुपांय् जकं नाया वनी, सर्गः वनि मखु रे  
 खुसि न्हाइ, खुसियागु सि ला सनि मखु रे  
 ताहांगु थव लँपुं जिगु म्ह हे जकं यनि रे  
 जि ला छंगु नुगलस म्य थें थवया चवने रे

वसन्त

## नीनिषु

थौं ला त्वया कवन तिमिला मयजु

कन्हे जक गथे जुइ मस्यु

थौंयागु थुगु बेत्ता

छंगु जिगु मंकाः मेला

धव हे मेला धवयां लिपा दै ला मस्यु

मीगु बैसयागु हिसि

नागबेलि गुंया खुसि

निभालया ताप लानाः

सुना बने माःसा

थुगु बन गुलि खवइ मस्यु

नगु गुलि सरगतं  
 कुतु वइ न्हिया न्हिथं  
 कुतु वव लिसे भन  
 इलिलिलि दःसा  
 सरगत गुलि न्हिली मस्यु  
 शिशिरया पीर फयाः  
 मन चिसे धीर जुयाः  
 निम्हसिनं छसलन  
 वसन्तया लं स्वयाः  
 हालागु म्य गथे जुइ मस्यु

१०३


१०३ १०३ १०३ १०३  
१०३ १०३ १०३ १०३  
१०३ १०३ १०३ १०३  
१०३ १०३ १०३ १०३  
१०३ १०३ १०३ १०३

छंगु छन्त हे

१०३ १०३ १०३ १०३  
१०३ १०३ १०३ १०३  
१०३ १०३ १०३ १०३  
१०३ १०३ १०३ १०३  
१०३ १०३ १०३ १०३



वहबुँ



## छफु

जीवन जिगु नीरस हे ज्वीव्यु  
फवनाः फवनाः छाप् रसमय भाय्

मेगु छु हे ज्वी, रसहीन जि ज्वी  
प्याय्चाः मलनी, छटपट ज्वी  
तर जिगु जीवन ला जिगु हे ज्वी  
छफुति रसं छाप् करपिनि याय्

हुँ बहार छिपि, पोम्बाल जितः  
जिगु जलने हे आनन्द जितः  
द्यँ सितारया मंकार छिपि नं  
जि हे जिगु संसार सरस थाय्

## निष्पु

म्ये हाते जि, न्ह्यो वय्कि छं  
गुलि जूगु जुळ, लोमंकि फुकं

चायागु मुले, तिमिलाया। जले  
नीरव नीरव मौन खयले  
संसार द्यन, द्यँ प्राण, छ नं  
जिमियोम्ह छ द्यँ जिमिज्यान छ द्यँ

थन प्रेम गन, जीवन दु अन  
जीवन गन, अन मसान नं  
मतयागु मुले, मत-कीत स्व रे  
आनन्द द्यन, द्यँ ज्यान छ नं

## સ્વપુ

ન જિ લઃ હે સ્વઃ ન સુપાંય્ હે સ્વઃ  
છું મસુગુ છુ સ્વઃ, વસ વહે જિ સ્વઃ

વ ચિકં વ ઇતાઃયા મતિનો થે  
થઃ ફૂલિસ્ય ગથ્ય લ્વી મતયા જઃ  
થન છ નં જિ નં અથ્ય ફુનાઃ ફુનાઃ  
છું લૂગુ દુસા વસ વહે જિ સ્વઃ

અનગિન્તિ અઙ્યાઃગુ મ્ય નં દુ થન  
ગુગુ લય્ જક મદુ મસુ સઃ હે નં  
જિ અઙ્યાઃગુ મ્યયા નં ભાવ જક  
કિ લુમંકયવલે જક લ્વીમ્હ જિ સ્વઃ

पुष्प

विरहं ध्व नुगः स्रजक मसीमा  
च्यायत सदां हे च्याःसां लु  
ख का लुमनी च'सां दंसां  
सह जक याय्माः लुमनं लु  
घाः हे जुमेलि हीस्य चवनी का  
रस जक वय्मा हीलं लु  
मिखा तिसीवं दैम्ह छ खःसा  
न्योने वयाः दं मवलं लु  
सदां सदां थय् म्वाय् जक फय्मा  
हूँ हिमगिरि थे' नालं लु

## न्याय

प्रियतम ! छंगु मिखाया भाय् थें  
म्हुतुया भाय् जि उस्त मथू

सुचकूलिस्व हे उरय थें ज्वीगु  
छंगु म्हया भाय् मन् हे थू  
क्वछुनाः गा-चो न्ह्यैगु व भाय् मन्  
गय् धाय् छन्त कि जिं थुलि थू

छंगु व भाय् थुलि थ्वीधुन, गुकिया  
स्वयम् जि हे न्हाय्कं ला छु  
भ्रम हे सां थुलि दय्वं छ भैम्ह  
दःसां छु जितः मरुसां छु

## खुफ

लुकुबीन हरे ! लुकुबीन हरे !

जिगु भाग्य-निभाः लुकुबीन हरे !

प्रेम-सिखः जिगु स्वप्न-गथ फुक

चच्चुनाः हे फवीन हरे !

तिमिला मलुयाः हृदय-उफोस्वां

खवक्वं हे भवाः ज्वीन हरे !

तंसां माः मदु, सीसां खो मदु

सु है जि थें असहाय हरे !

जि धैम्ह हे थन मदुसां गुलि ज्यू

जि हे जितः जुल भार हरे !



## न्हयफु

छन्त थियाः जि जि धका धाय्गु  
उगु संसार गज्याःगु अहो !

उगु मखमलया वाउँगु घाँसे  
अय्लाखं जक प्याःगु फसे  
छंगु मिस्त्राय् दुन्य ल्हीक्यगु थःन  
उगु ई गुलि आनन्द अहो !

छंगु नुगःया दुकदुक पतिकं  
जिगु तृप्ति सासः ल्हाः थें  
जि थःथमं हे पीजा कंगु  
अय्लाः थें हे ज्वीगु अहो !

## व्यापु

स्वै कने जि, स्वैत कने  
क्यने धाःसां घाः मने दुने

स्वैगुं निर्ममताया बाखं  
खनिगु सुनां जिगु रुवबी दुने  
नुगः खुनाः हे क्यने ला धाःसां  
मिखो दुपि मरु स्वैत क्यने

मझि मझि थय् नुगले खँ तया  
स्वाङ्गु सराः दः व्युगु सुनां  
कनां मध्वीगु, क्यनां मखनिगु  
गङ्गाःगु घाः जुत्त हृदय दुने

## गुफु

छरुय प्रेमसिखः छरुय दिवसविकः  
जिगु स्वप्न जितः भन भार जुल

थन वैगु ज्वनाः गुगु स्वप्न छगु  
गुलि कीधुन गो अज मूर्ति मलू  
थुगु स्वप्न जितः उलि भार मजू  
जिगु मिम्ति जि हे वरु भार जुल

अव मिखा छु मिखा न त छं स्वयफु  
थुगु ल्हाः तुति नं मरुसां वरु ज्यू  
गुगु थःगु खयां नं थःगु मजू  
अव नुगः अव म्हुतु मरुसां छु जुल

## मिफु

म्वाल हूँ वन्यसा थुलि खँ न्यनाहुँ  
वंथोयू तक छं जय ज्वीमा

खः बाः जि ला गरीब छु यायू ज्यू  
थुलि ला छं न्होपां हे स्यू  
तर जिगु मतिना धनया न्ह्योदे  
थुलि याकनं चःबुइगु मग्यू

जिगु ख्वबिलु सलं, जिगु भसुकालं  
छन्त न्ह्यले नं सुख बीमा  
अज्ज सदां जिगु तिकिनंगु ख्वबिं  
छन्त ज्वले नं न्ह्यैपुक्यमा

## मिहिरपु

थौं थव सभाय् जि छन्त मखं  
तिक्क गनं दुन्य मिं थें च्वं

छ हे मदुगु थुगु थाय्या छु खँ ल्हाय्  
थः हे ततक्यों थःगु मिखाय्  
छन्त मखन्यवं न्हाय्कं तं थें  
थः हे नं, जि थःकय मखं

थुलिमछि दै नं सकलें सकलें  
छ हे मदुगुया पौभाः थें  
दृश्य मिखाय् वैच्वंगु फुकं नं  
लीलाः थें हे न्याल्लुस्य च्वं

## भिनिषु

जि वेचवना उपहार ज्वनाः  
का का प्रिय, छं रहाः फैव्यु

वनिम्ह जुहे जुल खवय्मत्य क्वछुनाः  
न्हिलाः न्हिलाः वरु थस्वया व्यु  
न्हिलाः कैगु जि खवयाः खवयाः सां  
छन्त लिफयाय् थौं प्रेम उगु

छं जक जीमा छ जक भिन्यमा  
भी निम्ह थौं बायमालं छु  
छंत मसीतरुय न्हूगु म्य न्यके  
स्यागु नुगः दुन्य ल्वीगु उगु

## भिस्वपु

जितः लुमंकाः खवि तिकिनंकाः  
थःगु मान छं बुलुक्यमते

रंध्या ला थन निहं निहं हे वइ  
वंगु फुकं पौमाः थें व्वइ  
बास मलूमह व योकः मंगः  
छंगु म्य हालाः जब च्वे व्वइ  
हीमी चायाः थःगु भविष्य  
खिमला सित्ति कुक्कर्मते

प्रणय-प्रतिज्ञा व्यर्थ लुमंकाः  
थःत थमं लोमंक्यमते

थुगु शून्य सिवै छुं सैमखुगु  
 मतिनाय तक्यना छन्त छु दइ  
 थुगु सपना गुगु तःधं जूसां  
 व्यर्थ छु याय स्वां गबजे व्हड  
 मां-बौया अय आशाया मत !  
 थव गोफसे दं वय छ मते

नेह स्वयाः नं देह अमूल्य  
 प्रेम धका थः तंक्यमते

जितः लुमंकाः खबि निकिनंकाः  
 थःगु मान छं बुलुक्यमते



## मिथ्यफु

छ न्हूगु हे छें छन्हु वनीतिनि  
अन फुक हे न्हू थें खनीतिनि

मां न्हूम्ह खनी, बौ न्हूम्ह खनी  
अन फुक फुक हे छं न्हूगु खनि  
अन न्हूगु कवथाय मतिना याइम्ह  
छं न्हूम्ह हे पासा छं खनीतिनि

दः स्वैगु मिखा, दः कुनिगु नुगः  
दः हिसिचां कायकाः तैगु पहः  
फुक हिलीतिनि, फुक ज्यलीतिनि  
थौंयाम्ह छ हे अन तनीतिनि

उगु न्हूगु जले, उगु न्हूगु ख्वले  
 उम्ह न्हुम्ह हे पासातिस्य च्वनेबले  
 थौंयाम्ह जितः जिगु मतिनायात  
 छं म्हगसे थें लोमकीतिनि

उगु बयगु इले ख्वदि हायक्यत हे  
 थौं नाप च्वनाः भी न्हिन्यगु थुलि  
 भी गवलेँ बायमखु धैगु धव प्रण  
 उगु न्हूगु जलं फुक नुनीतिनि

छ न्हूगु हे छें छन्हु वनीतिनि  
 अन फुक हे न्हू थें खनीतिनि

## भिन्यापु

अय् तिमिला हुँ, ख्वैचवन ज्वी व  
बैत छकः छं सो हुँ

सुनसानगु थाय्, गांया कुं चाय  
बिचरा गय् च्वं चवन ज्वी  
शून्य कथाया भयाः-भी चाय्काः  
सु वइ ला ख्वैचवन ज्वी

सु हे मदयाः अन बिचराया  
मन गुलि खुलुलुलु मिन ज्वी  
छ वन्य मत्योत्तर्य थौंया चच्छ  
बिन्ति बलिर्य हे च्वं हुँ

सकले दान उची, विचरो वैत  
 थःगु मुले छं तः हुँ  
 छंगु व स्हाति पितुमत्तु पीकाः  
 म्ये न्यंकाः छं थ्यं हुँ

न्हो वोतल्यसां न्हो पुस्य चवंगु  
 म्हगसे म्हंका व्यू हुँ  
 म्हगसेसां जिगु चुम्बनया रस  
 गंगु व म्हतुसी लू हुँ

अय् तिमिला हुँ, ख्वैचवन उची व  
 वैत छकः छं सो हुँ

## भिखुफु

थव कुञ्ज नीरव  
नीरव थव पृथिवी  
नीरव थव फय्  
थव चा जुनेली  
गन छ, गन जि  
गुलि न्ह्यै पु थुगु ई !

थव प्रेमयागु चीधंगु संसार भीगु  
गबलें मन्हीगु थव शृंगार भीगु  
गुपचुप थव फय्, थव स्वां, थव पृथिवी  
गबले तकं दै थव कुञ्ज—बेलि  
का हु, सुनां न्हिफु, थव प्रेमया चिं  
का च्यु, सुनां चीफु, निर्वन्ध भीपिं !

खैयामयागु चिपगु सलिचाजितः म्वाः  
 व अन्ति, व छुचुंमरि नं जितः म्वाः  
 म्वाः म्वाः व कविता— सफु नं जित म्वाः  
 म्वाः म्वाः व छंगु सुमधुर म्ये नं म्वाः  
 थव कुज हे दु नि सलिचा जितः आः  
 जितः आः छहे दु नि मूसःगु अयत्ताः

प्रिये ! वा छ थन वा, जिगु लिक्क च्वं वा  
 छं दः व जिं छन्त लुदंक् स्वय् वा  
 स्वस्वं छ जिके, जि छके तने वा  
 वा, स्वर्ग पृथिविइ क्वहाँ वोगु स्वय् वा  
 थव क्षण, थव घडी, थौं हे थव म्नीगु  
 गु कन्हे वरु यग्गु थज्जी न्यु !

## भिन्हयपु

ईश्वर ? छं दः सिात्त हे बिल  
स्वैगुं दुखे खयगु नुगः

भक्त लिकै व्यु, भक्त लिकै व्यु  
मयल जितः थुगु संवेदन,  
स्वैगुं निर्मित खय—न्हय यायगु  
संवेदन भखु, वरु बन्धन

का लिकैव्यू मयल मिखा नं  
कां हे याना तैव्यू जितः ।  
तय हे माःसां मात्र मिखां थे  
खाः बाक जक तैव्यू जितः

## भिक्त्यापु

हनं छकः ल्याँ वोसा गुलि ज्यू  
उगु दिन मी निम्हस्यां हेगु

उगु शान्त ईले, एकान्त ख्यले  
सुं मदु मेपिं छ व जि सिबे  
आहा ! उबले भोसं व ख्यले  
स्वर्ग खना गुलि बांलाःगु

उखुनु छकः नं छन्त खना जिं  
रूप अहो ! गुलि पाः छंगु  
सपना तं थें, थः हे प्वं थें  
गंगु सुपः थें ब्वैच्चंग



# भिङ्गूफू

कुचु कुचुक्कक मिक मने  
छाय् सुतुक्क वैगु दुने  
भन् आश जिगु, भन् प्यास जिगु  
जुरु जुरुक्कक जक थन्य थेँ

जिगु स्वच्छ हृदय-गगने  
पिलि पिलि पल्पसा थेँ  
अय् फय्, दुहा वया छाय  
स्वांया दुने भ्रमर

अय्लाः थज्याःगु दृष्टि  
प्याला थज्याःगु लोचन  
त्व वय् मतेनि आसे  
उन्मन अहा ! श्व यौवन

## नपि

जिगु श्व मन  
सिचुगु चंचल पवन  
जिगु श्व यौवन आंहा  
मुखलिं लूगु सुमन

जितः स्वयसा व स्वां स्वैव्यु  
जिथाय् वयसा फसे व्वैव्यु

निराला जि, जिगु जीवन  
सुथे ल्वीगु किरण पावन

जितः योसा सुथे प्यां वा  
जलं खैथाय् ख्यले दं वा

## नीछपु

वय् जि छंथाय् छाय मवय्  
छं मयोसा स्वयमते

छं सराः व्यु, या व्यु थुकलं  
या जितः बो हे व्यु छं  
छन्त जि ला थः खने दः  
वें धका हे लाय्बु छं  
वयगु जिगु ज्या, छं मयोसा  
हृदय चायका तयमते

वय् जि छंथाय् छाय मवय्  
छं मयोसा स्वयमते

खः जि वयवं छन्त मछिनी  
 लुमनि भन् लोमंगु नं  
 छन्त छिन्यवं, छन्त भिन्यवं  
 गय ) छिनी मेपिन्त नं  
 छं मदयवं थौं जिंके नं  
 हृदय मदु थें तायमते

जिं मस्यु छाय् बल पलाः थन  
 गन पलाः हे छी मज्यु  
 मस्यु निखां नं छंत छाय् स्वत  
 स्वैत आ, वं स्वय्मज्यु  
 न्यन्यनते छं छाय् धका नं  
 वरु छक, न्यं थःकय हे

## ननिनिपू

प्रतिपल प्रतिक्षण दिनया कणकण  
सिंचित छंगु लुमति

पीधुन पीधुन थुगु ब्बीं, जीवन  
छु छु फल सै थें मस्यु जिं  
अमृत वा बिष, सःगु लया काय्  
यगु थधायमा जगतीं

छं निम्ति खः छन्त जीव गाः  
मखु मखु स्वैगूं निम्ति  
छंगु न्हिलाय्तिनि जिगुजीवन ह्वी  
वस थुलि हे जक स्यू जिं

## नीरुवपु

फय जा वल कुचु-कासा म्हित्यत  
तर गो थन थौँ स्वान महो

सागर लँ स्वयाः गुलिले पिल नं  
चुप्पा नय्त व नदी मवो  
मनजक खुसि हे न्हाःवल लिखतं  
गुरुर स्वयाः मन तय्गु अहो

वसन्त वल नं फूगु मखुनि हा  
कोयलिते मनया विरह  
सूगु सलंसां हाल्य म्य धालं  
म्हाः जि धका माधुर्य मवो

## नीप्यपु

छ व जि, जि व छ  
निखर निगू सि  
दग्धी चा-न्हि व सुथ संध्याया  
महिक बाः वैच्वंगु खुसि

छ व जि, जि व छ  
सागरया फि  
दः लिस्य, फवीगु, फूलिस्य दैगु  
आदि-अन्तया बाखं भी

न त छ, न त जि  
निम्हयां छम्ह भी  
दिपया नौ मखु, हवीगु नलि हे  
सिर्जनया मिजला खः भी

## नीत्यापु

जि लुदंक छकः खय मास्त्य वल  
गनं छथाय तोपाक्क वनाः

सुनसन निशाय अति दूर दिशाय्  
याकःचा यो योध्य सनाः  
वीणा खै थें मनया तारे  
चिन्ताया मंकार हनाः

फिभां दंगु ध्व हृदय-मसाने  
आकांक्षाया लाश उनाः  
भयातुस्य च्वंगु, मझि मझिगु  
गथि गथि चिंगु विरह फयनाः



## नखिपु

ईश्वर ! श्व मिखाय सृष्टिनिसो छं  
भ्रमया जाः ग्वैहःगु खनी

स्वाने जि गुगु सुन्दर खन्यगु  
अहो ! च जा गन सुन्दर ज्वी  
केवल भ्वोथः ख्वसुको तःगु  
नोवाय मजीक वैगु म्हुःवी

शुद्ध न्हिने नं यम्हस्यां यगु या  
छं ब्रबचं धाय मफुगु रकिं  
चान्हे ज्वीवं जोवन थःगु  
तगु लुमंकाः ख्वेगु रकिं

## निन्द्यपु

महम्मं खनिया कविता पिब्वयाः  
स्वां सुथ न्हापां ख्वैच्चनिगु

‘सुन्दरतां नुन जिगु अस्तित्व  
मयल मयल लितकैव्यु प्रभु  
शब्द व्यु पलिसा मखुसा मयल  
जीवन हे जिगु लितकै व्यु’

प्रथम चरण जक स्वयवं दैवं  
चगु कविता सुच्चाबीगु  
भसुकाः तै अल्य थस्वयाः स्वानं  
‘दैव निरंकुश छु ढगे जू’

## नर्चियापु

अय् चा ! श्व खिमिलाय् द्यन्य को जि ला छु  
तर गय दनी मन प्याय्चाः मलंगु

गुलि प्राण विचराः प्याय्चाः मलंकं  
द्यङ्गू खना जि दिपया मुलेसं  
तर लाश छ्वछ्वं नौ हे जुलं नं  
अन ताय् दु न्हि न्हि इमि हंस खोगु

न्ह्यो हे मवय्कं द्यन्य माःगु श्व इले  
द्योपि न्हय्ले नं हिहितंगु ताय् दु  
अय् प्यास ! थौं छिस्त नुगले कुनाः जि  
सुनसान श्व दिपे गद्य सुम्क द्यन्यगु

सुन्दरीया विलाप

# नगिपु

धरती ! जितं छं सराः व्यु सराः व्यु  
 थुकलं व्यु का अय् अम्बर ! जितं छं  
 थौं छन्त नांगां थन्य हःम्ह अय् युग  
 जि हे खः व दुष्मन, का दण्ड व्यु छं  
 यदि थौं जि धात्थे म्हुतु हे दु खःसा  
 थव म्हुतुं छसःसां सः छंगु ज्वय्माः  
 धात्थे नुग नं दनि धैगु खःसा  
 थौं छंगु दुःखे भति ला थव स्वय्माः  
 अःखः स्वहं थें दथु-लेँ दनीम्ह  
 मन् सिर्जनाया लँपु हे पनीम्ह  
 जि हे खः व पगः, वा अय् भविष्य  
 मिमलः जुयाः हे कःवा जितः छं



नेपालया ऐतिहासिक पुस्तकालय  
**प्रदीप्त पुस्तकालय**